



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 95. Detecti hujus Cædis Authores.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

nec non ex acutis præfatæ arboris ramis hæc plagas accepisse crederetur. Sæcul. XVI.
A. C. 1599.
 Successit e voto commentum, atque altera die summo mane Lucretia conjux, ac Beatrix infaustam Patris sui mortem crebris, fictis tamen, ejulatibus deplorare audiebantur: paulopost autem filia improvide lintea sanguine copiosius conspersa cuidam lotrici lavanda tradebat, tam profusi cruoris causam, nescio quam, allegans: demum per solutis exequiarum solemnibus Mater una cum filia, ceterisque domesticis Petrella Romanam ad suum Palatium secesserat.

§. XCV.

Detecti hujus Cædis Authores.

Cum Petrella oppidum intra Neapolitani regni fines situm esset, ac in oppidina Francisci Cencii mors gravem plurimis suspicionem ingereret, regius Prætor eo contendere, ipsumque cadaver mox exhumatum lustrare jubebatur, qui pluribus in carcerem datis, ac severius examinatis nullum aliud violentæ mortis indicium hauriebat præter testimonium Lotricis, quæ sibi a Beatrice altera post cædem die quædam linteamina cruore tincta fuisse tradita fatebatur, qua de re Neapolitana Curia mox Romanam certiolem reddebat, longum tamen temporis spatium intercesserat, donec

*Acta MS.
Processus
Cencii.*

Sæcul. XVI.
A.C. 1599.

donec in Francisci demortui proles inquireretur, atque interea natu minor eorum frater morte naturali eripiebatur: unde nonnisi duo Jacobus, & Bernardus vita superstites erant: postquam vero Guerra Neapoli in hujus cædis Authores exactius inquiri perceperat, mor quosdam emittebat, qui Martinum, & Olympium, ne fors capti crimen proderent, neci darent, ex quibus tamen solus Olympius Deo ita permittente occisus, Martinus vero captus ultro parricidium, scelerisque complices detegebat: jam antea autem Jacobus, & Bernardus Cencii in Sabellia Curia, quæ hodie novi carceres appellantur, Lucretia vero, & Beatrix in proprio Palatio custodiebantur, usque dum Martinus Neapoli Romam deferretur, quo adventante ambæ ad carceres pariter ducebantur, ut præsentem Martino de patratore scelere convincerentur: verum Lucretia, ac præcipue Beatrix nil sibi de tradito pallio constare affirmans, tantæ oris eloquentia, & constantia, tamque imperterritæ vultu, animoque crimen pernegabat, ut Martinus ejus firmitate animatus potius tormentorum acerbitate vitam finire, quam iterata confessione Beatricis supplicium accelerare voluerit: mortuo igitur altero hoc Scario, cum ad proseguenda judicii acta nullum

nullum satis validum superesset argu-^{Sæcul. XVI.}
 mentum, omnes Cencii ad arcem san-^{A.C.1599.}
 cti Angeli transferebantur, ubi per ali-
 quot menses sat quiete persisterent, do-
 nec ille Sicarius, quem Guerra ad tru-
 cidandum Olympium corruperat, Nea-
 poli captus Romam adduceretur, unde
 Satellites, ut in Guerram duplicis ho-
 micidii reum inquirerent, quaquaver-
 sum emissi fuere, quorum tamen soler-
 tiam Carbonarii habitum indutus elu-
 sit: verum ipsamet Guerræ fuga, alia-
 que haud obscura indicia tantopere au-
 gebant conceptam in Cencios suspicio-
 nem, ut hi ex arce rursus ad carceres
 novos educti equuleo torquerentur, cu-
 jus tormenti acerbitatem Lucretia, ut-
 pote corpore nimis crassa, sustinendo im-
 par perpetratum crimen longa serie con-
 fitebatur: ejus tamen filia Beatrix non
 minus minas, ipsamque tortoris sævitiem
 animi firmitate, quam ipsum etiam Judi-
 cis examen promptis, aptisque respon-
 sionibus eludebat: porro tanta hujus
 puellæ sagacitas omnium admiratio-
 nem in se rapiebat, atque ipsemet sum-
 mus Pontifex rei novitate commotus
 totam examinis seriem sibi exhiberi
 postulabat, ut ipse judicii acta mature
 ponderare, ac discutere valeret, & quam-
 vis Judicem in Beatrixis favorem con-
 spirasse haud cognosceret, illum tamen
 forte

Sæcul. XVI. forte ejus venustate obcæcatum suspi-
A.C. 1599. catus, totam causam alteri committ-
 tebat Judici, qui ream fune ligatam ad
 Matrem, fratresque suos conduci iussit
 qua conspecta Jacobus his verbis eam
 alloquebatur: *Soror charissima peccato-*
mus, ergo ut salvetur anima, penitentiam
agere, ac prompto animo mortem excipere,
non autem vi ad illam raptari oportet:
 ad hæc imperterrita Juvenis re-
 spondit: "Ergone vos familiam nostram
 „infamiae nota afficere, ac mortem sub-
 „re vultis? male vobis consultis."
 His dictis parumper cogitabunda hæ-
 rens ad lictores inquiebat: "Solvite
 „vincula, ac ceterorum examen, & re-
 „sponsa mihi prælegantur, tum affirman-
 „da affirmabo, & neganda negabo."
 cum igitur & ipsa hoc modo convicta
 esset, una omnes a vinculis liberi, qui
 hucusque per quinque Menses mutuo
 consortio privati erant, simul prandere,
 ac jucunda conversatione uti voluerunt.
 altera autem die Jacobus, ejusque fra-
 ter Bernardus ad alios carceres duce-
 bantur, Pontifex vero percepta integra o-
 mnium confessione reos equorum caudis
 raptari voluit, cujus tamen sententiae ri-
 gore permoti Cardinalium, ac Procerum
 quamplurimi Papam rogabant, ut Bea-
 trici ad ipsius defensionem viginti quin-
 que dierum spatium indulgeret. An-
 nuit

Sæcul. XVI.
A. C. 1599.

nuit ille, atque infra hoc tempus celeberrimi Romanæ urbis Advocati generosæ hujus Virginis patrocinium in se susceperant, atque inter alios Nicolaus de Angelis tam validas pro sua cliente rationes proferebat, ut Papa obstupefactus exclamaret: „Ergone Romanæ inveniuntur Filix Parentum homicidæ! ergone reperiuntur Advocati, qui tamen illarum patrocinium in se suscipere audeant. „ Ad hæc solus respondit Farinaccius: „Beatissime Pater, nequaquam ad protegendam sceleris enormitatem, sed duntaxat ad liberandam innocentiam huc convenimus, si igitur Sanctitati Vestræ ita libuerit, nostras exponemus rationes. „ Unde Clemens Papa non sine ingenti patientia Causidicos integris quatuor horis perorantes excepit, quibus dimissis Altierus Princeps ad Pontificis pedes provolutus ita effatus est: „Pau-perum Advocatus sum, mearum ergo partium est, ut miseræ hujus filix causam Vestræ Sanctitati impense commendem: „ ad hæc reposuit Pontifex: „vade, tuo satisfecisti officio. Hoc abeunte Clemens in discutienda hac causa totam noctem insumens, ne momento quidem quieti indulgebat, sed unacum sancti Marcelli Cardinali Advocatorum rationes mature examinaverat, ac

Hist. Eccles. Tom. LII.

K k his

Sæcul. XVI. his veluti expugnatus per summam
A.C. 1599. clementiam præceperat, ut reis e car-
 cere eductis temporis beneficium indul-
 geretur: sub idem vero tempus ad Pe-
 pam referebatur, quod Constantia Ma-
 chionissa de sancta Cruce sexagenaria
 a Paulo filio suo iteratis pugionis icti-
 bus Sublaci trucidata fuisset, quapro-
 pter Pontifex recenti parricidio etiam
 Matricidium adjungi intelligens, justitiae
 zelo accensus, ne tam horrendi sceleris
 impunitas peccandi libertatem induce-
 ret, proxima feria sexta Cenciorum
 causam Tavernæ Romano Gubernatori
 dijudicandam reliquit.

§. XCVI.

Lucretia, Beatrix, & Jacobus Cenci ultimo supplicio affecti

*Relat. cri-
 min. contra
 Cencios.*

Igitur Gubernator habito mox judicium
 confessu omnes Cencios capitali sen-
 tentia plectendos esse decernebat, et
 autem comperta Cardinales, ac Pro-
 ceres tota nocte summum Pontificem
 fatigabant, supplices, ut Lucretiam, &
 Beatricem saltem privata morte e me-
 dio tolli permetteret, ipsi vero Bernar-
 do utpote criminis minime conscio vi-
 tæ gratiam faceret. Idipsum Cardi-
 nalis Sforzia impensius a Papa efflagi-
 tabat, ac Farinaccius quoque sua eloquen-
 tia eundem eo inclinabat, ut Bernar-
 dus